



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 3. Quænam requiruntur, ad lucrandam Indulgentiam?

urn:nbn:de:hbz:466:1-41032

Possunt tamen exempti lucrari Indulgentias Episcopales, cum in ea re favorabili possint se subjecere jurisdictioni Ordinarii, ne quod in gratiam concessum est privilegium, in eorumdem dispendium cedat, ex Reg. 61. Jur. in 6.

Q. 3. Quænam requiruntur ad lucrandam
Indulgentiam?

Resp. Sequentia. 1. Status gratiæ saltem, cum ultimum opus completur: quia tunc applicatur Indulgentia, quæ illum exigit; nam inimico Dei, quamdiu in peccato existit, nulla sit remissio etiam quoad pænam temporalem. Quippe inimicus Dei. & reus pænæ æternæ non est subjectum aptum, cui remittatur aliqua pæna; & nulla est promissio, nisi pro justo. Unde Indulgentia nunquam conceditur, nisi contritis & confessis, aut verè Pœnitentibus. Imò aliqui putant necesse esse, ut omnia opera in Bulla injuncta perficiantur in statu gratiæ. Sed alii communius docent sufficere, quod beneficiant animo verè Pœnitenti & sine affectu ad mortale: quia Pontifex in concezione non exigit, ut omnia opera praescripta fiant in statu gratiæ; & sine illo possunt esse utilia ad finem Indulgentiæ.

2. Omnia opera injuncta impleri debent integrè, in loco, & tempore, & ordine præscriptis: quia Indulgentia non conceditur, nisi sub hac conditione: quia proinde non impleta simpliciter nihil obtinetur. Et Indulgentia solum operatur, secundum intentionem concedendæ.

cedentis expressam per verba concessionis. Hinc qui opus aliquod injunctum, vel partem ejus notabilem omittit, quamvis ex ignorantia aut oblivione invincibili, vel impotential, nihil consequitur: quia simpliciter non implet conditionem, cui adstricta est Indulgentia.

3. Ad consequendam Indulgentiam plenariam omnium peccatorum, etiam venialium, requiritur detestatio omnium illorum, & depositio affectus ad quodlibet; nam pena peccato debita non remittitur sine culpa: nullum autem peccatum etiam veniale remittitur quoad culpam, sine detestatione seu displicencia saltem virtuali, & depositione affectus ad illud. Quam pauci ergo Indulgentiam plenariam integrè consequuntur?

Præter supradicta Cajet. Navar. Reginald, & alii docent ad Indulgentiam integrè consequendam requiri propositum, & sollicitudinem satisfaciendi Deo per satisfactiones congruas, & peccatis ac facultati Pœnitentis proportionatas; ita ut proportione hujus sollicitudinis tanquam dispositionis ad Indulgentiam effectum necessariæ percipiatur major vel minor Indulgenciarum fructus. Probant Quia I. extat divinum præceptum faciendi dignos fructus Pœnitentiarum, à quo præcepto Ecclesia dispensare nequit; & Conc. Trid. sess. 6. c. 14. docet generaliter Pœnitentiam christiani lapsi, necessariò præter contritionem & Confessionem, continere satisfactionem per jejunia, eleemosynas, orationes, &c. At, inqui-

unt,

unt, valdè enervaretur, & ferè tolleretur satis-
factio illa congrua, si Indulgentia plenaria
plurimorum peccatorum obtineretur præcisè
per opera aliqua pauca non valde gravia, ut
per visitationem Ecclesiæ, triduum jejunii, ali-
quam eleemosynam, & Confessionem ac
Communionem. 2. Thesaurus Indulgentia-
rum à Christo concessus est non ad tollenda
opera satisfactoria, cum ea præceperit; aut ad
fovendam negligentiam ac torporem fideli-
um; sed ad supplendam eorum impotentiam
ac infirmitatem: alias, inquit, Indulgentia
redundaret non in ædificationem, sed in de-
structionem, fovendo negligentiam ac torpo-
rem in satisfaciendo pro peccatis, & minueret
horrorem peccati. 3. Ex Greg. VII. qui Lin-
colniensi Episcopi Indulgentiam petenti
concessit eâ lege, ut pro viribus satisfaceret:
Absolutionem præterea peccatorum tuorum, in-
quit, sicut rogasti, auctoritate Principum Aposto-
lorum Petri & Pauli fulti, tibi mittere dignum
duximus: si tamen bonis operibus inhærendo,
commixtos excessus plangendo, quantum valueris,
corporis tui habitaculum Deo mundum templum
exhibueris. Ut appareat, inquit Baronius hæc
referens ad an. 1073. *Sedis Apostolicæ Indul-*
gentias illis communicari, qui, quantum suppetunt
vires, bene operari non prætermittunt; non au-
tem ignavis, otiosis ac negligentibus torpescientibus.
De his qui ita sentiunt, sic loquitur, S. Anto-
nin. I. p. Tit. 10 c. 3. §. 3. *Nec credunt, quod*
propter has Indulgentias generales minimis tenean-
tur

tur agere Pœnitentiam in hac vita; & horum di-
ctum satis videtur concordare æquitati, ut notat
Innocentius.

**Q. 4. Quænam notanda circa opera præscribi
solita?**

Resp. Sequentia. 1. Dum in Bulla concedi-
tur Indulgentia Contritis & Confessis ad eam lu-
crandam secundum multos Confessio non est
necessaria habenti sola venialia: quia putant
eam designari tantum ut medium ad gratiam
& remissionem culpæ. Sed alii dissentunt,
quia tunc Confessio requiritur tanquam u-
num ex operibus præscriptis. Quare tutius
est confiteri, idque consentaneum est praxi si-
delium, præsertim tempore Jubilæi.

2. Oratio fieri debet per aliquod tempus in
loco, tempore, & ex intentione designatis,
Locus est ordinariè ubi est Indulgentia. Tem-
pus est inter utrasque vespertas. Intentio est
pax inter Principes Christianos, extirratio
hæresum, Exaltatio S. Matris Ecclesiæ, bonum
spirituale Papæ, nisi alia addatur.

3. Modus servandi jejunium est ille, quem
singulæ Provinciæ servant tali tempore in aliis
jejuniis.

4. Eleemosyna, si non determinetur per
Bullam, fieri debet juxta Regulas prudentiæ;
& dictamen internum; ita ut non detur quid
minimum, spectata facultate dantis, nam mi-
nimæ non sunt in consideratione:

Q. 5.